



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԼԽԱՎՈՐ ԴԱՏԱԽԱՁ

ՆՐԱՄԱՆ № 56-Լ

« 19 » 06 2023 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՁԻ, ՆՐԱ ՏԵՂԱԿԱԼՆԵՐԻ,  
ԳԼԽԱՎՈՐ ԴԱՏԱԽԱՁՈՒԹՅԱՆ ԱՎԱԳ ԴԱՏԱԽԱՁՆԵՐԻ ԵՎ ԴԱՏԱԽԱՁՆԵՐԻ ՄԻՋԵՎ  
ԱՇԽԱՏԱՆՔԻ ԲԱԺԱՆՈՒՄ ԿԱՏԱՐԵԼՈՒ ՈՒ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԼԽԱՎՈՐ ԴԱՏԱԽԱՁԻ 2019 ԹՎԱԿԱՆԻ ՍԵՊՏԵՄԲԵՐԻ 25-Ի N 44 ՀՐԱՄԱՆՆ ՈՒԺԸ  
ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ելնելով Հայաստանի Հանրապետության դատախազության գործունեության արդյունավետությունը բարձրացնելու, Հայաստանի Հանրապետության գլխավոր դատախազի, Հայաստանի Հանրապետության գլխավոր դատախազի տեղակալների, Հայաստանի Հանրապետության գլխավոր դատախազության ավագ դատախազների և դատախազների միջև աշխատանքի հավասարաչափ բաժանում և ծանրաբեռնվածություն ապահովելու անհրաժեշտությունից, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 1-ին մասով, 2-րդ մասի 2-րդ և 7-րդ կետերով, 30-րդ հոդվածի 3-րդ մասով, «Նորմատիվ-իրավական ակտերի մասին» Հայաստանի Հանրապետության օրենքի 37-րդ հոդվածով՝

Հրամայում եմ՝

1. Կատարել Հայաստանի Հանրապետության գլխավոր դատախազի, նրա տեղակալների, գլխավոր դատախազության ավագ դատախազների և դատախազների միջև աշխատանքի հետևյալ բաժանումը.

1) Հայաստանի Հանրապետության գլխավոր դատախազ Աննա Վարդապետյանը՝  
ա. իրականացնում է Հայաստանի Հանրապետության դատախազության գործունեության ընդհանուր ղեկավարումը և վերահսկողությունը,

բ. սահմանում է Հայաստանի Հանրապետության դատախազության լիազորությունների իրականացման ուղղությունները,

գ. համակարգում և վերահսկում է Հայաստանի Հանրապետության գլխավոր դատախազության Հայաստանի Հանրապետության հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության աշխատանքները,

դ. համակարգում և վերահսկում է Հայաստանի Հանրապետության գլխավոր դատախազության Հայաստանի Հանրապետության ազգային անվտանգության ծառայությունում մինչդատական վարույթի օրինականության նկատմամբ հսկողության վարչության աշխատանքները,

ե. համակարգում և վերահսկում է Հայաստանի Հանրապետության գլխավոր դատախազության կազմակերպական-վերահսկողական և իրավական ապահովման վարչության աշխատանքները՝ վարչության կողմից իրականացվող կազմակերպական-վերահսկողական գործառույթների և կարգապահական վարույթների մասով,

զ. ղեկավարում և վերահսկում է Հայաստանի Հանրապետության գլխավոր դատախազության ավագ դատախազների և դատախազների, Հայաստանի Հանրապետության գլխավոր դատախազի խորհրդականների և օգնականների աշխատանքները,

է. ստեղծում է գլխավոր դատախազին առընթեր խորհուրդներ, աշխատանքային խմբեր, հանձնաժողովներ, սահմանում դրանց գործունեության կարգը,

ը. կառավարում է Հայաստանի Հանրապետության դատախազության գլխավոր քարտուղարի, նրա տեղակալների և Հայաստանի Հանրապետության դատախազության աջակցող մասնագիտական կառուցվածքային ստորաբաժանումների աշխատանքները:

**2) Հայաստանի Հանրապետության գլխավոր դատախազի տեղակալ Արթուր Պողոսյանը՝**

ա. համակարգում և վերահսկում է Հայաստանի Հանրապետության գլխավոր դատախազության պետական իշխանության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող վարույթների,

բ. համակարգում և վերահսկում է Հայաստանի Հանրապետության գլխավոր դատախազության տնտեսական գործունեության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող վարույթների,

գ. համակարգում և վերահսկում է Հայաստանի Հանրապետության գլխավոր դատախազության բնակչության առողջության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով

նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող վարույթների,

դ. համակարգում է քաղաքացիական պաշտպանության ոլորտին վերաբերող հարցերը:

### **3) Հայաստանի Հանրապետության գլխավոր դատախազի տեղակալ Լիլիթ Գրիգորյանը՝**

ա. համակարգում և վերահսկում է Հայաստանի Հանրապետության գլխավոր դատախազության մարդու դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող վարույթների,

բ. համակարգում և վերահսկում է Հայաստանի Հանրապետության գլխավոր դատախազության սեփականության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող վարույթների,

գ. համակարգում և վերահսկում է Հայաստանի Հանրապետության գլխավոր դատախազության հասարակական անվտանգության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող վարույթների,

դ. համակարգում և վերահսկում է Հայաստանի Հանրապետության գլխավոր դատախազության պետական շահերի պաշտպանության վարչության աշխատանքները, ինչպես նաև պետական շահերի պաշտպանության ոլորտը:

### **4) Հայաստանի Հանրապետության գլխավոր դատախազի տեղակալ Եղիազար Ավագյանը՝**

ա. համակարգում և վերահսկում է Հայաստանի Հանրապետության գլխավոր դատախազության միջազգային-իրավական համագործակցության վարչության աշխատանքները, ինչպես նաև՝ միջազգային-իրավական համագործակցության ոլորտը,

բ. համակարգում և վերահսկում է Հայաստանի Հանրապետության գլխավոր դատախազության կազմակերպական-վերահսկողական և իրավական ապահովման վարչության աշխատանքները՝ իրավական ապահովման ոլորտի մասով,

գ. համակարգում և վերահսկում է Հայաստանի Հանրապետության գլխավոր դատախազության պատիժների և հարկադրանքի այլ միջոցների կիրառման օրինականության նկատմամբ հսկողության վարչության աշխատանքները, ինչպես նաև՝ պատիժների և հարկադրանքի այլ միջոցների կիրառման օրինականության նկատմամբ հսկողության ոլորտը,

դ. համակարգում է Հայաստանի Հանրապետության դատախազության «Օրինականություն» գիտագործնական պարբերականի աշխատանքները,

ե. համակարգում է Արդարադատության ակադեմիայի՝ Հայաստանի Հանրապետության դատախազությանն առնչվող աշխատանքները:

**5) Հայաստանի Հանրապետության գինվորական դատախազ, Հայաստանի Հանրապետության գլխավոր դատախազի տեղակալ Գրիգոր Էլիզբարյանը** ղեկավարում, կազմակերպում և համակարգում է գինվորական կենտրոնական դատախազության և կայազորների գինվորական դատախազությունների գործունեությունը:

**6) Հայաստանի Հանրապետության գլխավոր դատախազի՝ ապօրինի ծագում ունեցող գույքի բռնագանձմանն ուղղված գործառույթների ոլորտը** համակարգող տեղակալ **Սրբուհի Գալյանը** համակարգում և վերահսկում է Հայաստանի Հանրապետության գլխավոր դատախազության ապօրինի ծագում ունեցող գույքի բռնագանձման գործերով վարչության աշխատանքները:

**7) Հայաստանի Հանրապետության գլխավոր դատախազության ավագ դատախազ Աշոտ Ժամկոչյանը՝**

ա. Հայաստանի Հանրապետության գլխավոր դատախազի կողմից հանձնարարված հասարակական հետաքրքրություն ունեցող, բարդ և բազմադրվագ քրեական վարույթներով իրականացնում է մինչդատական վարույթի օրինականության նկատմամբ հսկողությունը, ինչպես նաև մեղադրանքի պաշտպանությունը և դրանով պայմանավորված՝ դատական ակտերի բողոքարկումը,

բ. ուսումնասիրում և ամփոփում է կոռուպցիայի կանխարգելման ոլորտում Հայաստանի Հանրապետության ստանձնած միջազգային պարտավորությունների կատարման ընթացքի և արդյունքների վերաբերյալ համապատասխան կառույցներից ստացված տվյալները, պատրաստում և Հայաստանի Հանրապետության գլխավոր դատախազին է ներկայացնում նշված ոլորտում առաջադրված հարցադրումների վերաբերյալ պատասխանների նախագծերը,

գ. համակարգում է Կոռուպցիայի կանխարգելման հանձնաժողովի հետ կապված Հայաստանի Հանրապետության դատախազության աշխատանքները, ապահովում է ազդարարման համակարգի ոլորտում դատախազության գործառույթների իրականացումը,

դ. համակարգում է անչափահասների իրավունքների և օրինական շահերի պաշտպանության ոլորտում Հայաստանի Հանրապետության դատախազության գործունեությանն առնչվող աշխատանքները:

**8) Հայաստանի Հանրապետության գլխավոր դատախազության ավագ դատախազի պաշտոնին գործուղված Վարուժան Ղահրամանյանը՝**

ա. Հայաստանի Հանրապետության գլխավոր դատախազի կողմից հանձնարարված հասարակական հետաքրքրություն ունեցող, բարդ և բազմադրվագ քրեական վարույթներով իրականացնում է մինչդատական վարույթի օրինականության նկատմամբ հսկողությունը, ինչպես նաև մեղադրանքի պաշտպանությունը և դրանով պայմանավորված՝ դատական ակտերի բողոքարկումը:

**9) Հայաստանի Հանրապետության գլխավոր դատախազության դատախազ Հայկ Հովհաննիսյանը՝**

ա. ստուգում է Հայաստանի Հանրապետության ոստիկանության շտաբի տեսչական վարչության մոնիթորինգի, մեթոդական օգնության և տեսչական ստուգումների բաժինների,

ինչպես նաև քրեական ոստիկանության գլխավոր վարչության կողմից՝ կատարված կամ նախապատրաստվող հանցագործությունների, այլ դեպքերի վերաբերյալ հաղորդումների ընդունման, գրանցման և լուծման մասին օրենքի պահանջների կատարման վիճակը,


բ. Հայաստանի Հանրապետության գլխավոր դատախազի կողմից հանձնարարված հասարակական հետաքրքրություն ունեցող, բարդ և բազմադրվագ քրեական վարույթներով իրականացնում է մինչդատական վարույթի օրինականության նկատմամբ հսկողությունը, ինչպես նաև մեղադրանքի պաշտպանությունը և դրանով պայմանավորված՝ դատական ակտերի բողոքարկումը:

2. Սույն հրամանն ուժի մեջ է մտնում հրապարակմանը հաջորդող օրվանից:

3. Սույն հրամանն ուժի մեջ մտնելուց հետո ուժը կորցրած ճանաչել Հայաստանի Հանրապետության գլխավոր դատախազի՝ «Հայաստանի Հանրապետության գլխավոր դատախազի, նրա տեղակալների և գլխավոր դատախազության ավագ դատախազի և դատախազների միջև աշխատանքի բաժանում կատարելու ու Հայաստանի Հանրապետության գլխավոր դատախազի 2018 թվականի ապրիլի 10-ի N 28 հրամանն ուժը կորցրած ճանաչելու մասին» 2019 թվականի սեպտեմբերի 25-ի N 44 հրամանը:

4. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

5. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, ավագ դատախազներին և դատախազներին, Հայաստանի Հանրապետության զինվորական կենտրոնական դատախազության բաժինների պետերին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:

 Ա. ՎԱՐԴԱՆԻԱՆ